

## ITE CANTU ?

Si mi cheres unu cantu  
deo sigo a ti cantare;  
ite cantu t'appo a dare  
cando est tempus de piantu?

Cantare ti cheria  
a su nessi po un'iscuta  
a ti ponner bon'umore,  
ma sun boghes de dolore  
chi s'intenden subra e suta  
de sa domighedda mia.

Isetia su 'eranu  
cun su cantu 'e sos puzones  
ch'annuntzian tempus bonu  
ma s'intendet unu sonu  
de bombas e de cannones  
cun su cantu prus metzanu.

Isetia sos fiores  
chi nde nuscan sas aeris  
e imbellin d'ogni serra,  
ma nd'est bennida sa gherra  
a lassare calaveras,  
non bido ateros colores.

Cando in cussos areniles  
sos pitzinno giogaian  
fun sas abbas pius netas,  
chentza odios ne minetas  
cun amore s'abratzian,  
como abratzan sos fusiles.

Custas mancias, custos neos  
imbrutan s'era noale  
de chie si cheret mere,  
cando chilcat su podere  
una conca chentza sale  
b'atit semper tempos feos.

Mastighende su tenaghe  
fino goi sa cantone  
chi nd'istudat sa lumera,  
ma b'est semper un'ispera  
chi nde torrat sa riscione  
in camineras de paghe.

## QUALE CANTO ?

Se da me vuoi un canto  
io continuo a cantare;  
ma che canto ti potrei dare  
in questo che è tempo di pianto?

Ti vorrei cantare  
anche solo per poco  
e regalarti un po di buon umore,  
ma sono grida di dolore  
che si sentono qua e la  
nella mia piccola casa.

Aspettavo la primavera  
con il canto degli uccelli  
che annunciano il bel tempo  
ma si sente il frastuono  
di bombe e di cannoni  
con il loro canto più brutto.

Aspettavo i fiori  
che profumano l'aria  
e abbelliscono i campi,  
ma è arrivata la guerra  
a lasciare cadaveri,  
non vedo altri colori.

Quando in quegli arenili  
giocavano i bambini  
le acque erano davvero pulite,  
senza odio, ne minacce,  
si abbracciavano con amore,  
mentre ora si abbracciano i fucili.

Queste macchie, questi nei  
offuscano i giorni nostri  
dove c'è chi vuole essere padrone;  
quando cerca di dominare  
una testa insula  
causa sempre tempi orrendi.

Masticando l'amaro  
metto fine alla canzone  
che spegne la luce,  
ma c'è sempre una speranza  
che ritorni la ragione  
in sentieri di pace.